

तन्ने हिन्दुस्तान घुमाऊँ मैं | by Ram Kumar Lakkha & Ginny Kaur

गोरा इतना रोब दिखावे ना
ते खामा खाँचो में आवे ना
मेरी भांग घोट ल्या जल्दी से
तेरा सारा केहन पुगाऊँ मैं
फेर बैठा नान्दिये पे गोरा
तन्ने हिन्दुस्तान घुमाऊँ मैं

तेरा रोज़ रोज़ का रासा से
भंग पीके करे तमाशा से
मेरे दुखन लागे हाथ
भांग का कोन्या घोटा ल्याऊँ मैं
मेरी कान खोल के सुण भोले
तेरी बाता में ना आऊँ मैं
फेर बैठा नान्दिये पे गोरा
तन्ने हिन्दुस्तान घुमाऊँ मैं

तन्ने साँच बता दूँ रे गोरा
भांग बिना मन्ने सरता ना
जब तक भंगिया ना पील्युँ यो
पेट मेरा भी भरता ना
सारी दुनिया जाने सै
बिन भांग के रह ना पाऊँ मैं
फेर बैठा नान्दिये पे गोरा
तन्ने हिन्दुस्तान घुमाऊँ मैं
मेरी कान खोल के सुण भोले
तेरी बाता में ना आऊँ मैं

मैं तो हाथ जोड़ के कहूँ नाथ
इब ज़्यादा मन्ने सतावे ना
चाहे और चीज़ कुछ भी खा ले
पर भांग नाथ घुटवावे ना
कोन्या घोटूँ भांग तेरी
आज बिलकुल साफ़ बताऊँ मैं
फेर बैठा नान्दिये पे गोरा
तन्ने हिन्दुस्तान घुमाऊँ मैं

तन्ने चीज़ बताऊँ सुण गोरा
मन्ने लागे जान ते प्यारी सै
तेरी भांग बिना दिल धक् धक् करता
धड़कन बढ़ती जारी सै
जो भांग घोट के ल्यादेगी
तन्ने फुल शॉपिंग करवाऊँ मैं
फेर बैठा नान्दिये पे गोरा
तन्ने हिन्दुस्तान घुमाऊँ मैं
मेरी कान खोल के सुण भोले
तेरी बाता में ना आऊँ मैं

भीमसेन संग भोलेनाथ
तन्ने पी ली भांग भतेरी
मैं ठीक कहूं सु भोलेनाथ
इब बात मान ले मेरी
लास्ट वार्निंग ना मान्या तो
फ़ौरन पीहर जाऊं मैं
मेरी कान खोल के सुण भोले
तेरी बाता में ना आऊं मैं
फेर बैठा नान्दिये पे गोरा
तन्ने हिन्दुस्तान घुमाऊं मैं

<https://bhaktivandana.com/lyrics/%e0%a4%a4%e0%a4%a8%e0%a5%8d%e0%a4%a8%e0%a5%87-%e0%a4%b9%e0%a4%bf%e0%a4%a8%e0%a5%8d%e0%a4%a6%e0%a5%81%e0%a4%b8%e0%a5%8d%e0%a4%a4%e0%a4%be%e0%a4%a8-%e0%a4%98%e0%a5%81%e0%a4%ae%e0%a4%be%e0%a4%8a/>